

CYNGOR SIR CEREDIGION

Adroddiad i'r: Cabinet

Dyddiad y cyfarfod: 15/06/2021

Teitl: Caffael 2 Uned Wasgarog (Diweddariad)

Diben yr adroddiad: Dirymu penderfyniad y Cabinet C150 (ii) ar 23/02/21 a cheisio cymeradwyaeth y Cabinet ar gyfer penderfyniad mewn egwyddor i gaffael ail uned wasgarog yn ardal Aberteifi yn hytrach nag yn ardal Aberystwyth.

Er: Penderfyniad

Portffolio Cabinet ac Aelod Cabinet: Y Cyngorydd Dafydd Edwards, Aelod Cabinet ar gyfer Priffyrdd a Gwasanaethau Amgylcheddol, Tai a Chyswllt Cwsmeriaid.

1. Cyflwyniad

Rhoddodd Penderfyniad y Cabinet C150 ar 23/02/2021 gymeradwyaeth i gaffael dwy uned wasgarog i ddiodefwyr cam-drin domestig neu drais rhywiol yn ardal Aberystwyth gan ddefnyddio cynllun ariannu Trais yn erbyn Menywod, Cam-drin Domestig a Thrais Rhywiol Llywodraeth Gymru.

Llwyddwyd i gaffael yr Uned Wasgarog gyntaf yn Aberystwyth. Derbyniwyd cynnig gan yr Asiant/Gwerthwr a chwblhawyd y caffaeliad ar 30 Ebrill 2021.

Y cynnig newydd i'r Cabinet yw newid y penderfyniad mewn egwyddor ynghylch lleoliad yr ail Uned Wasgarog er mwyn i'r lleoliad fod yn ardal Aberteifi yn hytrach nag yn Aberystwyth.

Y rheswm dros y newid yn y lleoliad yw, yn dilyn dadansoddiad pellach o'r galw cynyddol ar draws Ceredigion am lety i ddiodefwyr camdriniaeth sy'n cael eu hadleoli o'r ddwy loches, mae cymorth ychwanegol i ddiodefwyr bellach yn cael ei ddarparu yn ardal Aberteifi. Yn dilyn trafodaeth bellach gyda Gwasanaeth Cam-drin Domestig Gorllewin Cymru, bernir erbyn hyn mai ardal Aberteifi fyddai'r lleoliad gorau ar gyfer yr ail uned wasgarog. Byddai hyn i bob pwrpas yn cynnig gwasanaeth daearyddol gwell ar draws Ceredigion er mwyn sicrhau digon o gapasiti.

Mae Gwasanaeth Cam-drin Domestig Gorllewin Cymru (WWDAS) yn elusen gofrestredig 3ydd Sector yng Ngheredigion sy'n cefnogi diodefwyr camdriniaeth. Y bwriad yw y byddant yn prydlesu'r Unedau Gwasgarog ychwanegol gan yr awdurdod.

2. Cost y cynnig a'r sefyllfa o ran cyllido

“Gwybodaeth Eithriedig - Atodiad A (Caffael 2 x Uned Wasgarog)”

Bydd angen uwchraddio'r ddwy uned wasgarog a gosod cyfarpar arbenigol ynddynt gan gynnwys systemau monitro a chael mynediad ar ddrysau gan gynnwys drysau diogelwch, teledu cylch cyfyng, systemau rheoli mynediad a chawodydd mynediad lefel.

Yna bydd yr ail uned ar gael i Wasanaeth Cam-drin Domestig Gorllewin Cymru ar drefniant prydlesu/rhentu treigl ac ar gost fforddiadwy, a bydd y Cyngor yn cadw'r cyfrifoldeb dros yswiriant yr adeilad a'r gwaith cynnal a chadw.

Byddai'r Uned ar gael i'r Gwasanaeth Trais yn erbyn Menywod, Cam-drin Domestig a Thrais Rhywiol ar sail 24/7 ar y lefelau rhentu y cytunwyd arnynt fel y nodir yn y cytundebau Lefel Gwasanaeth a Phrydlesu.

A gwblhawyd Asesiad Effaith Integredig? Os na, nodwch pam

Na.

Mae'r prosiect hwn yn gyfle i fanteisio ar argaeledd cyllid wedi'i dargedu sydd ar gael i Awdurdodau Lleol. Byddai'r cyllid hwn yn caniatáu i'r Awdurdod Lleol gaffael dau eiddo a fyddai'n helpu i ddarparu gwell gwasanaeth gan Wasanaeth Cam-drin Domestig Gorllewin Cymru (WWDAS) ar draws y Sir yn y dyfodol.

Crynodeb:

Canlyniadau/Hirdymor:

Dynodwyd y canlynol yn fuddion posibl y gellid eu gwireddu gyda chynnydd / cymeradwyaeth y Prosiect hwn:

- Mwy o eiddo addas ar gael ar gyfer dioddefwyr anabl neu deuluoedd â phlant ag anableddau
- Mwy o ddarpariaeth ar gyfer dioddefwyr sy'n ddynion
- Mwy o ddarpariaeth ar gyfer dioddefwyr LGBTQ+ a all fod yn trawsnewid neu'n cwestiynu
- Cefnogi llety â chymorth addas i symud ymlaen o'r lloches wrth bontio i gartref parhaol.
- Rhoi capasiti yn y dyfodol i gefnogi uned arfaethedig y

**Llesiant
Cenedlaethau'r
Dyfodol:**

Ganolfan Atgyfeirio
Ymosodiadau Rhywiol yn Ysbyty
Bronglais

- Sicrhau llety priodol o ran anghenion cymorth unigolion

Cydweithio:

Cynnwys:

Mae'r Prosiect yn cael ei ddatblygu mewn cydweithrediad â'r Swyddogion Arweiniol Corfforaethol a'r Gwasanaeth Grant Cymorth Tai ynghyd â chymorth parhaus gan Wasanaeth Cam-drin Domestig Gorllewin Cymru (WWDA) Ceredigion.

Atal:

Integreiddio:

Pwerau Statudol:

Deddf Gwasanaethau Cymdeithasol a Llesiant 2014 Trais yn erbyn Menywod, Cam-drin Domestig a Thrais Rhywiol (VAWDASV)

Argymhellion:

Yn unol â: PENDERFYNIAD C150 Caffael 2 x Uned Wasgarog ar gyfer Gwasanaeth Trais yn erbyn Menywod a Cham-drin Domestig Ceredigion (23 Chwefror)

- 1) Nodi caffael yr Uned Wasgarog gyntaf yn ardal Aberystwyth yn unol â phenderfyniad y Cabinet ar 23/02/21
- 2) Dirymu'r penderfyniad i gaffael yr ail Uned Wasgarog yn Aberystwyth yn unol â phenderfyniad y Cabinet ar 23/02/21
- 3) Cymeradwyo mewn egwyddor caffael yr ail Uned Wasgarog yn ardal De Ceredigion/Aberteifi, a rhoi pŵer dirprwyedig i'r Aelod Cabinet, ar y cyd â'r Swyddog Arweiniol Corfforaethol: Porth Cynnal i wneud newidiadau yn ôl yr angen i weithredu'r materion a godwyd yn yr Adroddiad.
- 4) Rhoi pŵer dirprwyedig i Swyddog Arweiniol Corfforaethol Porth Cynnal wneud newidiadau yn ôl yr angen i weithredu'r materion a godir yn yr adroddiad hwn.

Y rheswm dros y penderfyniad:

- 1) Cynorthwyo'r Awdurdod i sicrhau eiddo priodol er mwyn cael mwy o ddarpariaeth o ran llety addas a diogel i'w defnyddio gan rai sy'n ffoi rhag trais domestig.

Trosolwg a Chraffu:

Fframwaith Polisi: Strategaeth Gorfforaethol 2017 – 2022:

**Blaenoriaethau
Corfforaethol:**

Blaenoriaeth 3 - Galluogi Cydnerthedd Unigolion a Theuluoedd

**Goblygiadau Cyllid a
Chaffael:**

Cyllid - Mae'r model ariannol hwn yn cymryd bod cyllid grant Llywodraeth Cymru wedi'i gyfuno ag arian cyfatebol y Cyngor i gaffael y ddau eiddo ychwanegol a'u huwchraddio. Byddai Gwasanaeth Cam-drin Domestig Gorllewin Cymru (WWDA) yna'n ymrwymo i Gytundeb Lefel Gwasanaeth gyda'r Cyngor a fyddai'n rhoi manylion y cyfrifoldebau penodol a'r rhwymedigaethau ar y ddau barti. Byddai'r cytundeb hefyd yn cyfeirio at y cytundeb rhentu/prydlesu lle byddai Gwasanaeth Cam-drin Domestig Gorllewin Cymru (WWDA) yn talu rhent/prydles fforddiadwy i'r Cyngor.

Dylid gallu adennill y buddsoddiad Cyfalaf sy'n ofynnol gan y Cyngor ar ôl cyfnod o 14 mlynedd ar gyfradd llog dybiedig o 2%. Bryd hynny, ni fyddai ad-daliadau parhaus i'r Awdurdod ar wahân i gostau yswiriant a'r gwaith cynnal a chadw.

Byddai'r caffaeliadau hefyd yn sicrhau cynnydd yng ngwerth asedau'r Awdurdod dros amser.

Caffael yr eiddo – Mae copïau o'r llythyron a dderbyniwyd yn cymeradwyo'r tri grant gwahanol ynghyd ag amodau'r grantiau wedi'u hanfon at yr Adrannau Caffael, Cyllid a Chyfreithiol i'w hystyried. Mae dogfen sy'n crynhoi amodau'r grant wedi'i hatodi fel Gwybodaeth Eithriadig **“Atodiad C – Crynodeb o'r Dyfarniadau Grant”**.

Caffael Gwasanaethau – Gwasanaeth Cam-drin Domestig Gorllewin Cymru (WWDAS) sy'n darparu'r gwasanaeth presennol. Daw'r cyllid drwy amryw ffynonellau gan gynnwys y Grant Cymorth Tai a Chyllid Craidd y Cyngor.

Risg o ran cyllid: Nid oes unrhyw oblygiadau o ran cyllid refeniw ar wahân i yswiriant yr adeilad a gwaith cynnal a chadw blynyddol.

**Goblygiadau
Cyfreithiol:**

Materion cyfreithiol – Dim.

Statws cynllunio – Anfonwyd cais ffurfiol at Adran Rheoli Datblygu'r Awdurdod ynghylch unrhyw oblygiadau sy'n gysylltiedig â Chynllunio ar gyfer y defnydd arfaethedig – cadarnhaodd yr ymateb y byddai'r defnydd yn cael ei ystyried yn barhad o'r **Dosbarth Defnydd C3** presennol.

Goblygiadau staffio:

Dim i'r Awdurdod

**Goblygiadau
Eiddo/Asedau:**

Yr Adran Ystadau:

Uned Wasgarog 1: Cynhaliwyd trafodaethau ar gyfer yr Uned Wasgarog gyntaf mewn ymgynghoriad â Syrfëwr Caffael a Gwaredu'r Cyngor. Cafwyd Arolwg a Phrasiad Sefydliad yr Arolygwyr Siartredig Brenhinol (RICS) ar gyfer Prynwyr Cartrefi ac nid oedd yn nodi unrhyw broblemau arwyddocaol gyda'r eiddo.

Uned Wasgarog 2: Bydd angen nodi eiddo addas a chynnal Arolwg a Phrasiad Sefydliad yr Arolygwyr Siartredig Brenhinol (RICS) ar gyfer Prynwyr Cartrefi cyn y gellir cwblhau'r trafodaethau.

Risgiau:

a) Nid oes eiddo addas ar gael:

Mae Llywodraeth Cymru wedi cytuno i'r cyllid grant gael ei reoli hyd at 2021–22, ond deellir y dylid caffael/darparu'r ail uned wasgarog yn Ch1/Ch2 2021 – 22 fan bellaf neu gellir galw'r cyllid perthnasol yn ôl.

b) Pris prynu'r eiddo yn cynyddu y tu hwnt i'r swm dangosol:

Byddai angen i'r Cyngor ystyried bodloni'r cynnydd neu dynnu'n ôl o'r caffaeliad arfaethedig.

c) Y galw am ddefnydd fel Unedau Gwasgarog yn lleihau:

Monitro angen yn barhaus gan weithio'n agos gyda Gwasanaeth Cam-drin Domestig Gorllewin Cymru Ceredigion. Pe na fyddai angen uned yna byddai sawl defnydd cysylltiedig arall ar gael i'r Awdurdod mewn cytundeb â Llywodraeth Cymru.

Papurau Cefndir:

Dim

Atodiadau:

a) Gwybodaeth Eithriedig - Atodiad A (Caffael 2 x Uned Wasgarog) – Dyddiedig 23 Chwefror

**Swyddog Arweiniol
Corfforaethol:**

Sian Howys, Swyddog Arweiniol Corfforaethol Porth Cynnal

Swyddog Adrodd:

Keith Davies

Dyddiad:

23 Mai 2021